

## **CONTOH PERATURAN TABUNG ENDOWMEN**

### **1. PENGENALAN**

Tabung endowmen ..... ditubuhkan dengan tujuan untuk mengumpul dana daripada individu, syarikat korporat, alumni, agensi luar dan staf Universiti dalam bentuk tunai bagi memastikan kelangsungan jangka panjang kedudukan status kewangan Universiti tersebut.

### **2. OBJEKTIF**

Tujuan Tabung ..... ini ditubuhkan ialah:-

- (a) Untuk memastikan kelangsungan sumber kewangan bagi jangka masa panjang untuk memajukan pembelajaran, pengajaran dan penyelidikan Universiti
- (b) Untuk menjaga pendapatan Universiti selaras dengan pengurangan bajet kepada Universiti Awam
- (c) Membudayakan amalan memberikan sumbangan di kalangan warga Universiti tersebut

### **3. PENGURUSAN**

- 3.1 Segala bentuk pengurusan dan pengawalan Tabung ..... ini akan diamanahkan kepada sebuah Jawatankuasa Tabung ..... yang terdiri daripada Pengerusi, Naib Pengerusi, Setiausaha, Penolong Setiausaha, Bendahari dan ..... orang ahli Jawatankuasa.
- 3.2 Pengerusi Jawatankuasa Tabung ..... akan mempengerusikan semua mesyuarat Jawatankuasa Tabung ..... Dalam masa ketiadaan beliau tempatnya akan digantikan oleh Naib Pengerusi. Pengerusi ataupun Naib Pengerusi Jawatankuasa Tabung yang dilantik adalah berhak untuk mengundi, dan sekiranya terdapat jumlah undi yang sama adalah berhak untuk mengundi kali kedua ataupun undian pemutus.

- 3.3 Naib Pengerusi akan membantu Pengerusi dalam segala pengendalian yang diamanahkan kepada Jawatankuasa. Dalam masa ketiadaan Pengerusi, Naib Pengerusi akan mengambil tempatnya.
- 3.4 Setiausaha akan bertanggungjawab memanggil mesyuarat Jawatankuasa, menyediakan agenda, mencatat serta menyimpan minit-minit mesyuarat dan juga surat-menyurat.
- 3.5 Penolong Setiausaha hendaklah memangku jawatan Setiausaha sekiranya Setiausaha tiada dan menjalankan tugas Setiausaha sepenuhnya.
- 3.6 Bendahari adalah bertanggungjawab di atas segala perkara yang berkaitan dengan kewangan Tabung ..... tersebut dan beliau adalah dikehendaki menyimpan kira-kira di dalam buku-buku yang sempurna. Beliau juga adalah bertanggungjawab bagi menyediakan laporan kewangan tahunan untuk diaudit serta membentangkan kewangan tersebut di dalam Mesyuarat Agung Tahunan.

#### 4. **TADBIR**

- 4.1 Fungsi Jawatankuasa Tadbir Tabung Endowmen .....
  - (a) Memantau dan menguruskan aktiviti-aktiviti pelaburan
  - (b) Mewujudkan dan menetapkan garis panduan berhubung tatacara pengurusan endowmen
  - (c) Merancang dan melaksanakan aktiviti tabung endowmen bagi mencapai dasar atau objektif yang telah ditetapkan
  - (d) Melaporkan status pelaksanaan endowmen kepada Pengurusan Universiti
- 4.2 Ahli jawatankuasa Tabung ..... yang dilantik mestilah mematuhi syarat kelulusan di bawah subseksyen 44(11D) Akta Cukai Pendapatan 1967 iaitu melebihi 50% ahli jawatankuasa adalah terdiri daripada orang luar yang tidak mempunyai **perkaitan** dengan Universiti Awam. Perkaitan adalah termasuk kepada:
- 4.3 Ahli jawatankuasa Tabung ..... tidak boleh menerima manfaat atau emolomen daripada Tabung Endowmen termasuk emolomen tetap.

- 4.4 Ahli jawatankuasa Tabung ..... atau mana-mana pihak yang mengendalikan Tabung Endowmen tidak boleh menggunakan kuasa dan kedudukan mereka untuk kepentingan tertentu melalui Universiti Awam yang diluluskan tersebut.
- 4.5 Jawatankuasa akan bermesyuarat pada bila-bila masa dan bila diarahkan oleh Pengerusi ataupun oleh Setiausaha dan sekurang-kurangnya lima orang ahli Jawatankuasa adalah diperlukan untuk membentuk korum.
- 4.6 Jawatankuasa akan memegang tugas sebaik sahaja dilantik sehingga Mesyuarat Agung Tahunan berikutnya kecuali ada mana-mana Ahli Jawatankuasa yang ingin meletak jawatan dalam masa-masa tersebut beliau hendak mengemukakan notis bertulis kepada Setiausaha akan keinginannya itu.
- 4.7 Jawatankuasa berhak memilih mana-mana ahli untuk mengisi mana-mana kekosongan yang berlaku disebabkan kematian ataupun peletakan jawatan.

## **5. KEWANGAN**

- 5.1 Pendapatan atau sumber kewangan Tabung Endowmen ..... adalah terdiri daripada :-
  - a. Sumbangan/derma daripada individu, syarikat, staf Universiti dan lain-lain
  - b. Hasil Pelaburan adalah dari kutipan dana terkumpul
  - c. Sumber-sumber pelaburan lain yang diluluskan oleh Jawatankuasa Tabung

Semua hasil tabung yang diterima hendaklah dibuat atas nama Tabung

- 5.2 Bendahari akan bertanggungjawab memasukkan semua wang yang terkumpul bagi Tabung ..... tersebut ke dalam akaun bank Tabung Endowmen dan akan menandatangani bersama semua cek dengan Pengerusi atau Setiausaha.
- 5.3 Bendahari akan memastikan pematuhan syarat sekurang-kurangnya 50% daripada pendapatan boleh guna yang diperolehi dalam tahun terdahulu mestilah dibelanjakan pada tahun berikutnya untuk aktiviti bagi mencapai objektif Tabung Endowmen.

- 5.4 Juruaudit yang bukan ahli kepada Jawatankuasa Tabung ..... hendaklah mengaudit segala wang kira-kira bagi Tabung ..... tersebut sebelum mesyuarat agung tahunan. Selain daripada beliau, seorang juruaudit luar yang berkelayakan sebagai juruaudit awam hendaklah dilantik untuk mengaudit penyata kewangan Tabung Endowmen itu.

## **6. PEMAKLUMAN AWAL**

Jawatankuasa Tabung ..... perlu membuat pemakluman awal secara bertulis kepada Ketua Pengarah Hasil Dalam Negeri (KPHDN) bagi perkara-perkara berikut:

- 6.1 sebelum pemilikan aset atau harta meliputi tanah, bangunan, kenderaan, peralatan dan lain-lain;
- 6.2 sebelum pelupusan aset atau harta;
- 6.3 sebelum sebarang pertukaran ahli jawatankuasa Tabung Endowmen;
- 6.4 sebelum tempoh penamatan lantikan oleh Universiti Awam (sekiranya institusi atau organisasi tidak lagi diberikan kuasa untuk menguruskan endowmen oleh Universiti Awam); dan
- 6.5 sebelum pindaan dibuat ke atas Surat Ikatan Endowmen.

## **7. LARANGAN**

Tabung ..... adalah dilarang daripada melakukan perkara-perkara berikut:

- 7.1 mengguna pakai logo rasmi LHDNM atau mengubah suai logo tersebut di dalam semua dokumen dan media;
- 7.2 melibatkan diri dalam sebarang kegiatan politik atau gerakan kesatuan sekerja atau membenarkan kewangan, kakitangan dan premis/harta Tabung digunakan untuk tujuan tersebut; dan
- 7.3 membeli atau menambah aset yang tidak selari dengan objektif Tabung Endowmen.

**8. PEMBUBARAN**

Sekiranya Tabung ..... dibubarkan :

- 8.1 Kesemua hutang dan tanggungan hendaklah dijelaskan dan baki aset dan wang, sekiranya ada, hendaklah dikembalikan kepada mana-mana Universiti Awam lain.
- 8.2 Perlu memaklumkan pembubaran kepada KPHDN dengan segera selewat-lewatnya dalam tempoh 14 hari dari tarikh pembubaran; dan
- 8.3 Akaun bank Tabung Endowmen hendaklah ditutup dengan segera. Sesalinan surat penutupan akaun bank perlu dikemukakan kepada Jabatan Dasar Percukaian, LHDNM sebagai bukti.

Diluluskan dalam mesyuarat pada tarikh .....

Tandatangan:

Tandatangan:

.....

.....

Nama :  
Jawatan : **SETIAUSAHA**

Nama :  
Jawatan : **PENGERUSI**

<b>Nota:</b>	<b>Contoh Peraturan Tabung Endowmen hanyalah panduan semata-mata. Setiap tabung endowmen yang diwujudkan akan disemak dengan terperinci Peraturan Tabung yang berkaitan.</b>
--------------	--